



> Adrès di remitente Turfmarkt 147 2511 DP Den Haag

Presidente di Tweede Kamer der Staten-Generaal
P.O. Box 20018
2500 EA Den Haag

**Direktorado General
Atministrashon Públiko &
Estado di Derecho Demokr**
DGOBDR-D&B-Demokrasia
Demokrasia

Turfmarkt 147
2511 DP Den Haag

Fecha 25 oktober 2024
Tokante Desishon proponé pa lantamentu di Fundashon Komité di
Konmemorashon Pasado di Sklabitut

Nos karakteristiká
2024-0000791784

Bo karakteristiká

Pa medio di e karta aki mi ta start e voorhangprocedure (prosedura preliminar di kontrol) di 30 dia pa e desishon proponé pa lanta Fundashon Komité di Konmemorashon Pasado di Sklabitut. Esaki ta konforme artíkulo 4.7, insiso un, paragraf a, di e Comptabiliteitswet 2016 (Lei di kontabilidat 2016) i e kuadro pa fundashonnan (Beleidskader voor betrokkenheid van de Rijksoverheid bij het oprichten van stichtingen, 2006: Kuadro di maneho pa envolví Gobièrnu Sentral den lanta fundashon, 2006).

Despues di e diskulpanan di gabinete di 19 di desèmber 2022 tokante e pasado di sklabitut di e estado hulandes (Dokumentonan di Tweede Kamer II 36 284, nr 1) den bon konsulta ku e komunidatnan enbolbí, a tuma pasonan pa duna forma na e diskulpanan. Un paso importante pa kontinuá e diskulpanan ta pa lanta un komité di konmemorashon independiente, ku ta supervisá e kontenido i organisashon di un konmemorashon grandioso, digno di e pasado di sklabitut. A informá Tweede Kamer tokante esaki den e karta fechá 15 di yüni 2023 (Dokumentonan di Tweede Kamer II 36 284, nr 31) i 22 di aprel 2024 (Dokumentonan di Tweede Kamer II 36 284, nr 39).

Den e karta di 14 di yüni 2024 na bo Tweede Kamer, mi predesesor ofisial a anunsiá e intenshon di lanta e komité di konmemorashon i di su enkargo, i a mensioná nòmber di e presidente aspirá, señora Astrid Elburg. Despues di konsulta informal ekstenso, el a bin dilanti komo un presidente ku hopi sosten serka e komunidatnan en kestion i ku eksperensia atministrativo. Den e lunanan ku ta tras di lomba, señora Elburg tabatin kontakto entre otro ku organisashon i fundashon ku un trasfondo similar na esun di 'Stichting Nationaal Comité 4 en 5 mei' (Fundashon Komité Nashonal 4 i 5 di mei) i 'Stichting Nationale Herdenking 15 augustus 1945' (Fundashon Konmemorashon Nashonal 15 di ougùstùs 1945). Tambe tabatin bishita na hopi stakeholder i mandatario. Esaki, ku e intenshon pa atkerí mas konosementu tokante kiko e futuro komité di konmemorashon pasado di sklabitut mester tene kuenta kuné sí òf nò den elaborashon mas aleu di e enkargo pa e komité di konmemorashon.

Tambe a pidi direktiva di e pais-/ islanan den e parti karibense di e Reino i e direktiva di NiNsee pa postulá un miembro pa e komité di konmemorashon. Ya a risibí algun postulashon kaba. Repúblika di Sürnam tambe tin e posibilidat si e ta deseá esei pa postulá un miembro pa e direktiva.

Den e verano aki, e 'Toetsingscommissie Verzelfstandigingen' (Komité di evaluashon Independisashonnan) a evaluá e intenshon aki konforme e kuadro di

fundashonnan, loke a resultá den un konseho positivo. Tambe, a konsultá formalmente ku Kontrolaria General tokante intenshon di e lantamentu aki.

E komishon di evaluashon ta rekomendá pa evaluá e modelo di maneho ku skohe (e.o. sin Raad van Toezicht (Konseho di Supervishon) i progreso di e ophetivonan na tempu. Lo mi laga e evaluashon tuma lugá despues di dos aña, di moda ku e Fundashon por inkluí e lèsnan ku NiNsee a siña pa organisashon di un konmemorashon. Tambe por pasa e lèsnan ku a siña na e posibel miembro di direktiva nobo si nombra esaki despues di e término di 3 aña. E komishon ta konsehá mi tambe pa regla e kontakto entre e komité i mi departamento via un konsehero ofisial. Den e statutonan di e fundashon a inkluí e papel di konsehero ofisial eksplísitamente.

Fecha
25 oktober 2024

Nos karakterístika
2024-0000791784

Komo punto di atenshon, Kontrolaria General ta indiká ku e Comptabiliteitswet 2016 no tin un funshon ekstrateritorial. P'esei, Kontrolaria General a proponé pa bin ku areglo pa hasi informashon tokante uso legítimo i efikas di supsidio disponibel pafó di Hulanda, manera na Aruba, Kòrsou, Sint Maarten, i Sürnam. Lo mi inkluí stipulashon den kondishon di supsidio i reglamento di kon pa gasta rekursu di e fundashon, di moda ku tin informashon disponibel tokante uso legítimo i efikas di sèn di supsidio pafó di Hulanda, i ku e ta komparabel ku e stipulashonnan den e Comptabiliteitswet 2016. Tambe, den e kondishonnan di supsidio i e reglamento di gastu di e fundashon, lo mensioná eksplísitamente ku den kasonan apropiá, Kontrolaria General lo haña aksesu na informashon relevante na benefisio di kòntrol.

Ademas, Kontrolaria General ta pidi atenshon pa e riesgo ku e papel di e asina yamá konsehero ofisial por interferí ku independensia di e komité. Nos ta konfirmá ku, hustamente tambe dor di eksperensia ku fundashon similar, e papel di e konsehero ofisial en bèrdat tin komo intenshon pa duna forma na e papel di kontenido ku mi departamento, i pa sòru ku direktiva di e komité tin aksesu rápido na e ret na Den Haag. Manera Kontrolaria General ta rekomendá, lo inkluí esaki tambe den e evaluashon di e komité di konmemorashon. E fundamentashon pa e intenshon pa promové lantamentu di e fundashon ta agregá na e karta aki (anekso 1). Tambe a agregá konsepto di statutonan di e fundashon (anekso 2), e konseho di e Toetsingscommissie Verzelfstandiging (Komishon di evaluashon Independisashon) (anekso 3) i e karta di Algemene Rekenkamer (anekso 4).

Mi a manda un karta idéntiko awe pa Presidente di Eerste Kamer der Staten-Generaal. Komo ku por lanta e komité di konmemorashon solamente despues di finalisashon di e voorhangprocedure aki, lo mi informá bo Tweede Kamer den e promé seis lunanan di aña 2025 tokante e progreso.

Minister di Asuntunan Interno i Relashon den Reino,

J.J.M. Uitermark